



जवाहर नवोदय समिति

जवाहर नवोदय फरायसालिनि सायख' आनजाद (2019) नि बिबुंसार बिजाबजा
थाखो द'याव मुं थिस'नायनि थाखाय

1. सिनायथि

1.1 1986 माइथाइनि हारिमायारि सोलोंथाइ खान्थि बादियै भारत सरखारा हादरनि मोन 28 हादरसा आरो मोन 7 मिरु बेंनाय हालामाव जवाहर नवोदय फरायसालि फसंनाय जादों। बे फरायसालिया लोगोसे फराय थाखुलि दंफायो। नवोदय फरायसालि आफादा गाव फसंथाननि गेजेरजों हादरारि सरखारा बे फरायसालिनि खरसाखौ रुजुनो आरो सामलायो। जवाहर नवोदया फरायसालिनि सायख'नाय आनजाद (JNVST)खौ उथ्रिनो हानाय फरायसाफोरखौ थाखो द' (VI) याव थिसननाय जायो। बे फरायसालिनि बिजोडा थाखो दाइनसिम बिमानि राव एबा ओनसोलारि राव आरो बेनि उननिफ्राय सानखान्थि आरो बिगियाननि फोरोंनाया इंराजि रावजों आरो समाज बिगियाना हिन्दी रावनि जागोन। थारैनो जिथि (X) आरो जिनेथि (XII) आनजादा हादर गेजेरारि सोलोंथाइ जथुम (CBSE) नि जागोन। थानाय, जानाय एखे रोखोमनि गाननाय-जोमनाय आरो बिजाबफोर होनाय, बेसेन होनाडा जासे सोलोंथाइ होनाय जागोन। नाथाय फरायसाफोरा थाखो गु (IX) निफ्राय जिने (XII) थाखोसिम फरायसालि जौगाखां गौथुमा मुडावल' (Nominal) 600/- रां हिसाबै दानफायाव फरायसाफोरनिफ्राय खानाय जागोन। जुदि दिथागिरिया सरखारि बिफानाव खामानि मावनायब्ला साफायाव 1500/- होनांगोन आरो जाय फरायसाया SC/ST थाखो, हिनजावसा आरो जाय फरायसाया BPL थाखोनि जागोन बे फरायसाखौ 1500 निफ्राय रेहाय होनाय जागोन।

1.2 नवोदय सोलोंथाइ खान्थिनि थांखि-

क) गामियारि ओनसोलनि रोंगौसार गोनां फरायसाफोरखौ गोख्रों हारिमु जथाय, थाखानाय गुनखौ बाहायनाय, मिथिंगायारि सांग्रांथि लाबोनाय, सोमोनांथाव खामानि आरो गेलेनाय होनायजों लोगोसे गोदान मुगानि गोग्गो सोलोंथाय होनाय।

ख) मोनथाम रावाव फरायसाफोरा रायज्जलायनो हानायखौ नोजोर होनाय।

ग) हिन्दी रावआरि हादरसानिफ्राय हिन्दी नडि हादरसिम सिगांनिफ्राय उनाव फरायसाफोरखौ दैथाय हरनायनि गेजेरजों फरायसाफोरनि गेजेराव हारिमायारि खौसेथि गोसारहोनाय।

घ) खाबु आरो उनमोनथाय (Experience) फोरखौ रुजुनलायनायनि गेजेरजों मोनफ्रोमबो जिलायाव फरायसालिनि बिदिन्थि हिसाबै गोग्गो सोलोंथाइ होनाय।

1.3 हादरसा बादियै जवाहर नवोदय फरायसालिनि गोसारथाइः

नवोदय फरायसालि खान्थिनि थांखि बादियै मोनफ्रोमबो जिलायावनो गंसे जवाहर नवोदय फरायसालि गायसननाय । आथिखालाव भारतनि 28 हादरसायाव 661 फरायसालि आरो मोन 7 मिरु बैनाय हालामाव 629 फरायसालिफोरा हाबा मावगासिनो दं। हादरनि गुबुन गुबुन हादरसायाव आथिखालाव थानाय फरायसालिनि अनजिमाखौ गाहायाव दिन्थिनाय जाबाय-

अन्घ प्रदेश	13+02	हिमाशल प्रदेश	12	पानजाब	22+01
आसाम	27+01	जम्मु आरो काश्मिर	22+01	पण्डिचेरी	04
अरुनाशल प्रदेश	18	झारखण्ड	24+02	राजस्थान	33+02
आण्डामान आरो निकबर हाथुबसा	03	कर्णाटक	30+01	सिक्किम	04
बिहार	38+01	केरेला	14	त्रिपुरा	08
छण्डीगर	01	लक्ष्यदीप	01	तेल्लैंगाना	09
छत्तिशगर	27+01	मध्य प्रदेश	51+02+01	उत्तर प्रदेश	75+01
दिल्ली	09	महाराष्ट्र	33+01	उत्ताराखान्द	13
दमन आरो दिउ	02	मणिपुर	09+02	सोनाब बंग	19+01
दादरा आरो नगर हावेलि	01	मेघालया	11+01	गासैः 638+223**= 661	
गवा	02	मिजराम	08		
गुजरात	33+01	नागालेण्ड	11		
हरियाना	21	उरिषा	30+01		

गोबांथार SC/ST थाखोनि सुबुं थानायनि जिलाफोराव गोदानै बे फरायसालिखौ गाइसननो थाखाय सरखारा गनाइथि होबावबाय।

साबजाथाव थानाय खाबुखौ नायनानै गोबाडै सा 80 फराइसाखौ नवोदय फराइसालिखौ थाखो द' थियाव बासिख आनजादनि गेजेरजौ थिसननाय जायो। थाखुलि थायाबोला फराइसा थिसननायनि अनजिमाया सा 40 ल' जानांगौ। बे मोनथाइखौ नवोदय फरायसालिनि आफादनो होनाय जादौ।

1.4 जवाहर नवोदय फरायसालिनि सायख' आनजाद- 2019

सोलोथाइ बोसोर 2019-20 नि थाखाय थाखो दयाव मुं थिसननायनि सायख' आनजादा गाहायाव थिखानाय खालार बादि जागोन-

शनिबार 06 एप्रिल 2019 इं सम फुंनि 11.15 रिंगाआव गासै जवाहर नवोदय फरायसालिआव JNV सायख आनजादा जागोन ।

अनलाइन (Online) आरजलाइखौ जमा होनायनि जोबथा खालार- 30 नवेमबर 2018

2.1 जवाहर नवोदय फरायसालिनि सायख' आनजाद 2019 नि थाखाय अनलाइन रेबथुम (Register)नि राहा लामा-

(क) जवाहर नवोदय फरायसालिनि सायख' आनजादनि आरजलाइ गथायनायनि राहाया सरासनस्रायै अनलाइनि दारै बेसेन नाडा लाजासे खालामनो हागोन। रेबथुमनाय (Registration) खौ हाबाफारिया NVS वेबसाइड www.navodaya.gov.in नि जागोन। सायख'जानाय बिजाथिनि जायगा, बैसो, रोंगौथि बायदिखौ फोरमाननि थानाय गाहायाव होनाय नेमखान्थि बादियै नायफिदनाय जागोन।

(ख) रोंगौथि थानाय बिजाथिया गाव थाखो बा (V) याव फरायबाय थानाय फरायसालिनि गांसे फोरमान बिलाइ आपलोड खालामनो नांगोन जेराव गाहाय फोरोंगिरि/प्रिनसिपाला मुसुलेखा होनाय जानांगोन, बेजों लोगोसे फरायसानि मुसुलेखा, फट आरो दिथागिरिनि मुसुलेखा थानांगोन। बेजों लोगोसे 10-100 केबिनि महराव फट आरो फोरमान बिलाइ गांनैखौबौ अपलोड खालामफानांगोन।

(ग) उदायथि गोनां बिजाथिया जेब्ला अनलाइन आरजलाइ गथायगोन अब्ला बिजाथि आरो दिथागिरि सानैबो मुसमलेखा अपलड खालामफानांगोन।

(घ) जुदि बिजाथिया मिरु उदां फसंथाय फरायसालि (NOIS) निफ्राय जायोब्ला बे बिजाथिया गाव मुं थिसननो लानाय जिलानिफ्राय 'B' फोरमान बिलाइ मोननाय जानांगोन।

(ङ) अनलाइन आरजलाइ गथायनायनि फुंखाया उदां, जायखिजाया लेपटप, मबाइल, टेब्लेत बायदिफ्राय आरजलाइ गथायनो हागोन ।

(च) बिजाथिया/दिथागिरिया जेब्ला अनलाइन आरजलाइ गथाइगोन अब्ला गावनि खाखि बिलाइफोराव गावनि फरायसालिनि गाहाइ फोरोंगिरिनि मुसुलेखा, गावनि फट आरो मबाइल नम्बर होफानो नांगोन जाहाथे रेबथुमनाय (registration) नम्बर आरो pasaword खौ SMS नि गेजेरजों हरनो हायो ।

2.2 हाब-बिलाइ होनाय

हाब-बिलाइखौ गाहायाव होनाय फारि खान्थि बादियै डाउनलड खालामना लानो हागोन-

बिजाथि/दिथागिरिया JNVST जानायनि सिगां हाब बिलाइखौ 1 मार्स 2019 निफ्राय डाउनलड खालामना लानो हागोन ।

2.3 सायख' आनजादनि फिथाइ-

जवाहर नवोदय फरायसालिनि सायख' आनजाद 2019 फिथाइखौ मे 2019 नि जोबथा सप्ताहयाव फोसावनाय जागोन । आनजादनि फिथाइखौ गाहायाव होनाय मावख'फोराव फोसावनाय जागोन-

(क) जवाहर नवोदय फरायसालि (JNV)

(ख) जिला सोलॅंथाइ मावख'ग्रा (DEO)

(ग) जिला अकिल मावख' (DM)

(घ) नसोलारि नवोदय समिति बैंगिरि (DC)

(ङ) आनजादनि फिथाइखौ नवोदया समितिनि वेबसाइड www.navodaya.gov.in यावबो फोसावनाय जागोन। बिजाथिया गावनि फिथाइखौ एडमिसन पर्टेलावबो नायनो हागोन।

(च) गावनि ओनसोलनि जवाहर नवोदय फरायसालिनि गोरायुंयाबो सायखजानाय बिजाथिनो लाइजामख'नि गेजेरजौबो मिथिहोगोन।

3. बिजाथि सायख'नाय आरो मुं थिसननाय

3. (क) सायख' आनजादाव उथ्रिबोलानो बिजाथिया नवोदय फरायसालियाव मुं थिसननायनि खाबु मोनो बे नडा। आनजादाव उथ्रिनाय बिजाथिखौ नवोदय फरायसालिनि आफादा थिखानाय गासै फोरमान बिलाइखौ जमा खालामनायनि उनावसो मुं थिसननाय जागोन। मुं थिसनायसिम सायख'नाया लाथ'नायसो।

3. (ख) माबाफोर गुलाइ-गुजाइ नुजाथियोबोला बिदियाव नवोदय फरायसालि आफादनि थांखियानो जोबथा थांखि होनना आजावना लानाय जागोन आरो आनजाद बिजाथिया बेखौ गनायनांगोन ।

3. (ग) उथ्रिनाय एबा उथ्रियै रावबो बिजाथियानो आनजादाव मोननाय नम्बरखौ दिन्थिनाय जाया।

3. (घ) सायख' आनजादनि सुमोनथाइ लाफिननाय गोहोखौ रावबो लाफिननो मोननाय नडा । मानो होनोब्ला कम्पिउटार आरो गोग्गो बिबानारि आरो जोथोनै गोरों गोरजौ आनजादनि फिथाइखौ थिरांथा होनाय जायो। मोननाय नम्बरनि दाजाबथाइ मिलाइना दिन्थि फिननायनि मोनबो खावलाइनायखौनो आजावना लानाय जानाय नडा।

3. (ङ) बिजाथि, दिथागिरिखौ मिथिहोनाय जायोदि नवोदय फरायसालिनि फरायसाफोरा जेब्ला गु थाखोयाव गाखोयो अब्ला बिसोर हिन्दी रावारी हालामनिफ्राय हिन्दी नडै हालामनि फरायसालियाव बोसोरसेनि थाखाय दैथाइ हरनो हागौ। नवोदय फरायसालियाव फरायनो लुबैनाय फरायसाफोरा बे बिथिडाव थाखथियारि जाना थानांगौ। सोरबा फरायसाया जायगा सोलायनो राजि जायाब्ला बिदि फरायसाया नवोदय फरायसालियाव सोलॅंथाइ लानो हानाय नडा।

3. (च) बिजाथिया जाय जिलानिफ्राय सायख' आनजादखौ उथिदों बे जिलानि जे.एन,भि (JNV) मुं थिसननो नांगोन। सोलंथाइनि बिजोंखौ नायनानै उथिनाय बिजाथिखौ फरायसालि सोलायहोनाय जानाय नडा। नाथाय बिमा-बिफा एबा नख'रा गुबुन हादरसा एबा जिलायाव दोरोदोब्ला बेखौ नाजावनाय जागोन ।

3. (छ) SC आरो ST बिजाथिफोरा मुं थिसननाय समाव बिसोरो फोरमान बिलाइ जमा खालामना दिन्थिनो नांगोन। थार मावख'गोरानिफ्राय बै फोरमान बिलाइखौ बे माइथाइनि 15 एप्रिलनि सिगाडाव लानांगोन जाहाथे मुं थिसननाय समाव नवोदय फरायसालिनि सेराव जमा होनो हायो। बिदिन्थि बादियै 2019-20 मायथाइनि बिजाथिया मुं थिसननो नाजायोब्ला बियो 15 एप्रिल 2019 नि सिगां फोरमान बिलाइखौ लानाय जानांगोन ।

3. (ज) जाय बिजाथिया गामियारि मासिनिफ्राय मुं थिसननो नागिरो बे बिजाथिया थाखो थाम (III) , बै (IV) बा (V) याव आबुंडै जायखिजाया गामि ओनसोलाव थानाय गंसे सरखारि हेफाजाब मोननाय एबा गुबुन गनाय जानाय फरायसालियाव फरायनाय आरो उथिनाय जाथारनांगोन।

3. (झ) देहायारि हेंथा गोनां (बेगेंनि बेंगुरा, मोजाडै खोनायै, मोजाडै नुयै) बिजाथिया सायख'जायोब्ला जिलानि गोजौ देहा फाहामसालिनि गाहाय फाहामगिरि मावख'ग्रानिफ्राय फाहामथाइनि फोरमान बिलाइ दिन्थिनो नांगोन।

3. (ञ) देहायारि हेंथा गोनां (बेगेंनि बेंगुरा, मोजाडै खोनायै, मोजाडै नुयै) बिजाथिया जाय फरायसालियाव थाखो बा (V) याव फरायगासिनो दं बे समावनो JNVST आर'जलाइखौ गथायनो हागोन।

3. (त) थामथि आथोन (Transgender) बिजाथियाबो गावनि जिलानि सिडाव थानाय फरायसालियाव थाखो बा (V) याव फरायगासिनो दडोब्ला बे समावनो JNVST आर'जलाइखौ गथायनो हागोन। बिसोरो हादरसा सरखार बिफाननिफ्राय गावनि थामथि आथोननि फोरमान बिलाइखौ जमा होनांगोन। बे बिजाथिनि थाखाय थिखानाय मासि गैया।

4. सोर गनायजाथाव

गासैबो बिजाथिनि थाखाय:

4. (क) बिजाथिया 2018-19 आव जिलानि सरखारि / सरखारजों गनायजानाय फरायसालियाव थाखो बा (V) आव फरायनायब्लासो गावनि जिलानि JNV आर'जलाइखौ गथायनो हागोन ।

4. (ख) बिजाथिनि जोनोम खालारा 01-05-2006 मायथाइनि सिगां एबा 30-04-2010 मायथाइनि उनाव जानो मोननाय नडा। SC आरो ST बिजाथिनि थाखायबो एखे रोखोमनि नेम बाहायनाय जागोन। बिजाथिनि गोसोया सन्देह गोनां जायोब्ला फाहामग्रा बिफाननि थिरांथिनो थि जागोन।

4. (ग) हांखायारि बिजाथिया गावनि जिलानि फरायसालियावनो 2018-19 मायथायाव थाखो बा (V) याव फरायबाय थानाय जानांगोन। सरखारि एबा सरखारजों गनायजानाय बेफोर फरायसालिफोरखौल गनायनाय जागोन एबा जाय बिजाथिया मिरु उदां फसंथाय फरायसालि (NIOS) निफ्राय 'B' फोरमान बिलाइ मोननाय बेबो आर'ज बिलाइ गथाइनो हागोन। गंसे फरायसालिया सरखारजों गनायथि होजानाय जायोब्ला एबा सरखारनि जाना सरखारनि बिथोन मानिना सोलियोब्ला बे फरायसालिनि बिजाथियाबो आरजलाइ गथायनो हागोन। सासे बिजाथिया 2018-19 मायथायावनो थाखो बा (V)खौ उथिसारनाय जानांगोन आरो 2019-20 मायथायाव थाखो द'(VI) याव थारै मुं थिस'ननो हानाय जानांगोन ।

4. (घ) जाय बिजाथिया गामियारि मासिआव मुं थिस'ननो आरज गथायदों बे बिजाथिआ थाखो थाम (III), ब्रै (VI), बा (V) थाखोफोरखौ गामियारि ओनसोलनि सरकारि/सरकारजों आजावजानाय/गनायजानाय फरायसालियाव आबुडै फरायफुनाय जानांगोन

4. (ङ) जाय बिजाथिया मिरु उदां फसंथान फरयसालि (NIOS) निफ्राय 30 सेप्टेम्बर 2018 नि सिगां 'B' फोरमान बिलाइखौ उथिसारनो हागोन बे बिजाथियावो मुं थिस'ननायनि सायख' आनजादाव थिखानाय बैसोयावनो आनजादखौ लिरनो उदायथि थागोन। गामियारि मासियाव जाय बिजाथिया मिरु उदां फसंथान फरयसालि (NIOS) फरायगासिनो दं बे बिजाथिखौ बेनि फोरमान बिलाइ बादियै जिला उकिल मावख' एबा तेहसिलदारा थिरांथा लागोनदि बे फरायसाया थांनाय थाम(3) बोसोराव गामियारि ओनसोलाव फरायदोंना फरायाखै । गोजौयाव मख'नाय नेमखान्थि बादियै नोगोरारिनि फरायसाफोरा गामियारि ओनसोलनि मासिखौ लानो मोननायनि उदायथि मोननाय नडा। जाय फरायसाया मिरु उदां फसंथान फरयसालि (NIOS) निफ्राय 'B' फोरमान बिलाइ मोन्दों बियो मिरु उदां फसंथान फरयसालि (NIOS) निफ्राय गनायथि बिलाइ मोननाय जानांगोन ।

4. (च) जाय फरायसाया 15 सेप्टेम्बर 2018 नि सिगां थाखौ बायाव उथिसारनाय नडा बे फरायसाया आर'जलाइ गथायनो मोननाय नडा।

4. (छ) रावबो बिजाथियानो नैथि खेबनि थाखाय जायखिजाया जाहोनावनो सायख' आनजादाव जिरायनो मोननाय नडा।

गामियारि बिजाथिनि थाखाय

(क) फ्राय 75% मासियानो गामियारि फरायसाफोरजों आबुं खालाय जागोन आरो बेनि आद्रा थानायासो नोगोरारी फरायसाफोरजों आबुं खालाय जागोन।

(ख) गामियारी मासिनिफ्राय मुं थिस'ननो नागिरनाय बिजाथिया थाखो थाम(III), ब्रै(IV), बा (V)खौ जायखिजाया गामि ओनसोलाव थानाय सरखारि फरायसालिनिफ्राय फरायनाय जानांगोन। नडाब्ला, सासे

फरायसाया जाय जिलानि फरायसालियाव मुं थिसननो मिजिं थिदों बे एखे जिलानि जायखिजाया फरायसालियाव थाखो बा (V) सिम फरायफुंनाय जानांगोन।

(ग) जाय बिजाथिया मिरु उदां फसंथान फरायसालि (NIOS) सिडाव फरायगासिनो दं बे बिजाथिया गावनि जिलानि, जिला उकिल मावख'ग्रा (DM)/तेहसिलदारा/खोन्दो जौगाखां मावख'ग्रा (BDO) निफ्राय होनाय ओनसोलारि फोरमान बिलाइखौ दिन्थिनो नांगोन।

नोगोरारि बिजाथिनि थाखाय

जाय बिजाथिया गावनि नोगोरारी ओनसोलनि बैखनाव थानाय फरायसालियाव सानसेब्लाबो थाखो थाम(III), ब्रै(IV), बा(V) खौ फरायदोंब्ला, बे फरायसाखौ नोगोरारी हमनाय जागोन। नोगोरारी ओनसोल होननानै बुडोब्ला 2011 माइथायनि सुबुं सानखोयाव सरखारा फोरमायना होनाय बादिखौनो गनायना लानाय जागोन। गुबुन माखासे ओनसोलफोरखौ गामियारि ओनसोल हमना लानाय जादों।

थामथि आथोन(Transgender) बिजाथिनि थाखाय

थामथि आथोन बिजाथिनि थाखाय थि मासि थिखानाय जायाखै आरो बे बिजाथिनि थाखाय हौवासा मासिनि सिडाव हाबनोबो हागौ अदेबानि बे बिजाथिया गामियारि, नोगोरारि, SC, ST आरो देहायारि हँथा गोनां मासियावबो हाबसननो हागौ।

मासि थिनाय

(क) मोनसे जिलानिफ्राय खमैबो 75% बिजाथिफोरखौ गामि ओनसोलनिफ्राय लानाय जागोन आरो आद्रा थानाय बिजाथिफोरखौ नोगोर ओनसोलनिफ्राय लानाय जागोन ।

(ख) SC/ST बिजाथिफोरनि थाखाय मासि थिनाय नेम दं आरो बे मासि थिनाया जिलायाव थानाय बिजाथिफोरनि अनजिमाजों जागोन। बे मासिया हादरारि समानथायाव SCनि 15% आरो ST 7.5% नाथाय बांसिनै 50%, SC/ST मोननैबोनि थाखाय लानाय जायो। बे मासिया सोलायजायो जेब्ला बांसिनै रंगौथि गोनां बिनायसाया सायख' जायो।

(ग) हिनजाउसा बिजाथिफोरनि थाखाय $\frac{1}{3}$ मासि थिनाय नेम दं

(घ) देहायारि हँथागोनां बिजाथिफोरनि (बे जाबाय बेगँनि बैंगुरा, मोजाडै नुयै, मोजाडै खोनायै) थाखाय 3% मासि थिनायनि नेम दं।

खाना हिसाबै गाहायाव होनायफोरखौ हमनाय जागोन-

(क) नुथारै

(ख) मोजाडै नुयैया 6/60नि बारा जानो मोननाय नडा एबा मेगेन मोजाडाव कारेकितं लेन्चजों 20/200 स्नेलेन थायो ।

(ग) जायनि मेगननि नुहरथाय सिमाया 20 डिग्रिनि खम जायोब्ला।

घ) देहायारि हेंथागोनां बिजाथिफोरनि (बे जाबाय बेगेंनि बेंगुरा, मोजाडै नुयै, मोजाडै खोनायै) थाखाय 3% मासि थिनायनि नेम दं।

****खोनाबाडै जानाय****नि ऑंथाया मोजां खोमाजों 60 डेसिबेल एबा बांद्राय रेन्जनि सोदोबखौ खोनासंनो हायाब्ला।

****देहायारि हेंथा****नि ऑंथिया बेगेंफोरनि जराफोरा गोरौबै एबा बायनाय एबा मोदोमनि गेहेनफोरा सोमावनो हायै बा रानलांनाय एबा जायखिजाया मेलेम थैनायफोरखौ हमना लानाय जायो।

****देहायारि हेंथा****(बेंगुरा) नि ऑंथिया बेनोजे जौसिन देहा फाहामग्रा मावख'ग्रानि गेजेरजों 40% खमसिन नडा होननानै फोरमान बिलाइ होजानाय जानांगोन ।

5. जाय बिजाथिया बे सायख' आनजादाव सायख' जाबाय बे बिजाथिनि दिथागिरिया गाहायाव होनाय खाखिफोर (Documents) खौ मुं थिस'ननाय समाव नायफिदगिरिनो नायफिदनो थाखाय ज'मा होनांगोन।

(क) थाग्रा खुलिनि फोरमान बिलाइ (Residence certificate)

(ख) जोनोम खालारनि फोरमान बिलाइयाव माबाफोर गोनोगोथो ऑंखारोब्ला, देहा फाहामग्राया बेखौ फोरमान खालामगोन।

(ग) नवोदय फरायसालि समितिनि होखानाय उदायथि फोरमान बिलाइफोर।

(घ) जाय बिजाथिया गामियारि मासिनि थाखाय मुं थिस'ननो हांखाय बिलाइ गथायदों, बे बिजाथिनि दिथागिरिया गामियारि ओनसोलाव थानाय फरायगासिनो थानाय फसंथाननि गामियारि ओनसोलनि फोरमान बिलाइखौ गथायफानांगोन।

(ङ) जायखिजाया गुबुन गुबुन खाखिफोर(Documents) खौ बिनोबो हागौ।

सायख' आनजादनि सोमोन्दै

1. आनजादनि मिरु-

सायख' आनजादनि बिजाथिनि हाब बिलाइआव मुंख'नाय आनजाद मिरुवाव, आनजाद होनो हागोन। रावबो बिजाथियानो मिरुखौ सोलाइनो हानाय नडा। हाब बिलाइनि अनगायै रावबो बिजाथिया साइख'नाय आनजादाव जिरायनो मोना। हाब बिलाइखौ NVS नि वेबसाइड www.navodaya.gov.in निफ्राय डाउनलड खालामना लानो हागोन।

2. आनजादनि बिजों

जवाहर नवोदया फरायसालिनि सायख' आनजादा गुबुन गुबुन रावनि गेजेरजों गाहायाव होनाय हादरसाफोराव खुमफुंजागोन-

हादरसानि मुं	राव
आण्डामान आरो निकबर हादोवसा	हिन्दी, इंराजि, तामिल, उर्दू, बेंगलि
आन्ध्र प्रदेश	हिन्दी, इंराजि, तेलुगु, माराठी, उर्दू, उरिया, कन्नर
अरुनाचल प्रदेश	हिन्दी, इंराजि,
आसाम	हिन्दी, इंराजि, असमीया, बड,गार, बेंगलि, मणिपुरि(बांला हांखो), मुणिपुरि (मैथे)
बिहार	इंराजि, हिन्दी, उर्दू
चण्डीगर	इंराजि, हिन्दी, पंजाबी
छत्तीसगर	इंराजि, हिन्दी
दिल्ली	इंराजि, हिन्दी
गवा	इंराजि, हिन्दी माराथी, कानारा
गुजरात	इंराजि, हिन्दी, गुजराती, माराठी
हारियाना	इंराजि, हिन्दी
हिमासल प्रदेश	इंराजि, हिन्दी
जम्मू आरो कास्मिर	इंराजि, हिन्दी, उर्दू
जारखाण्ड	इंराजि, हिन्दी, उर्दू, उरिया
कर्णातक	हिन्दी, इंराजि, कानारा, तेलुगु, मराठी, उर्दू, मलयालम, तमिल
केलेरा	हिन्दी, इंराजि, मालायालम, तामिल, कनारा
लाक्षदिप	हिन्दी, इंराजि, मालायलम
मध्य प्रदेश	इंराजि, हिन्दी, उर्दू, माराठी, गुजराती
महाराष्ट्र	इंराजि, हिन्दी, कानारा, उर्दू, माराठी, तेलुगु, गुजराती
मुणिपुर	इंराजि, हिन्दी, मणिपुरी (मैथे)
मेघालय	इंराजि, हिन्दी, खासि, गार, बांला, असमिया
मिजराम	इंराजि, हिन्दी, मिज
नागालेण्ड	इंराजि, मिज
उरिषा	इंराजि, हिन्दी, तेलुगु, अरिया, उर्दू
पुदुचेरि	इंराजि, तामिल, तेलुगु, मालायालम, हिन्दी
पानजाब	इंराजि, हिन्दी, पानजाबी
राजस्थान	इंराजि, हिन्दी
सिक्किम	इंराजि, हिन्दी, नेपाली
तेलेंगाना	हिन्दी, इंराजि, तेलुगु, कानारा, माराथी, उर्दू
त्रिपुरा	इंराजि, हिन्दी, बांला
डमन आरो डिउ	इंराजि, हिन्दी, गुजराथी
डादरा आरो नगर हवेलि	इंराजि, हिन्दी गुजराथी, माराथी
उत्तर प्रदेश	इंराजि, हिन्दी, उर्दू
उत्तराखाण्ड	इंराजि, हिन्दी, उर्दू
सोनाब बंग	इंराजि, हिन्दी, बांला, नेपालि, उर्दू

रेबसुं- सासे बिजाथिया आर'जलाइ गथायनायाव जाय रावखौ मख'नाय जादों बे रावखौनो आनजादनि सौलु बिलाइनि बिजों महरै होनाय जागोन।

3. आनजादनि सौलुनि जथाय

आनजादनि समा 2 घन्टा। फुंनि 11.30 रिंगानिफ्राय 1.30 रिंगसिम आरो सौलु बिलाइयाव मोनथाम बाहागो थागोन। सौलुफोरा सुंद' रोखोम (objective) नि जागोन । गासै 100 नम्बरनि 80 सौलु थागोन । 15 मिनिट सिगां बिथोन (instruction) फरायनो हाबहोनाय जागोन। बिजाथिया 6 एप्रिल 2019 आव फुंनि 11 रिंगयाव सफैनांगोन।

आनजादनि रोखोम	सौलुनि अनजिमा	नम्बर	सम
मेलेम रोंगौसार आनजाद	40	50	60 मिनिट
सानखान्थि आनजाद	20	25	30 मिनिट
राव आनजाद	20	25	30 मिनिट
गासै	80	100	2 घन्टा

साफ्रोमबो आनजाद बिजाथिनिनो सौलु बिजाबसा होनाय जागोन जेराव मोनथाम बाहागो थागोन। देहायारि हेंथागोनां बिजाथिनो 30 मिनिट उफ्रा सम होनाय जागोन।


3. सौलु फिन होनायनि खान्थि-

(क) आलादायै फिननाय गांखौ होनाय जागोन। बिजाथिया फिननाय गांनि थि जायगायाव फिननाय लिरनांगोन। फिननाय गाडा बिजाथिनि सौलु आखुखौ नायबिजिरनाय (ICR) मेगननि आखुखौ नायबिजिरनाय (OCR) नि गां जागोन। गांसे फिननायनि गांखौ NVS नि वेबसाइडआव अपलड खालामनांगोन।

(ख) फिननाय गाडाव निला एबा गोसोम खोलोम एबा बल पइन्ट खोलोम खौल' बाहायनो मोनगोन । बेफोरखौ बिजाथिया गावनो लाबोफानो नांगोन। पेनसिलखौ बाहाय होनाय जानाय नडा।

(ग) मोनफ्रोमबो सौलुनि मोनब्रै फिननाय होनाय थागोन, जायफोरनि गेजेराव मोनसेल' गेबें जागोन। फरायसाफोरा गेबें फिननायखौ सायखना फिननायनि फारि अनजिमा (1,2,3,4) खौ फिननाय गांनि बाकसुवाव लिरनांगोन। फिननायनि गुबुन मोनबो रोखोम जेरै- (✓) एबा (a, b, c, d) एबा (A, B, C, D) थारसिन आरि गनायजाथाव जानाय नडा। जेरै नोंनि सौनाय नं 37 नि फिननाया 3(थाम) जायो अब्ला नों फिन गांनि फिननाय अनजिमानि लोगोसे होनाय बागसुवाव 3(थाम) अनजिमाखौ लिरनांगौ। बिदिन्थि बादियै

37.



(घ) सोरबा बिजाथिया आनजादाव सिगांग्रो सिन होनाय फिननायखौ सोलायनो हानाय नडा, बेखायनो मोजाडै बुजिना फिन होनो नाजा।

(ड) गोरान्थि फिननायनि थाखाय मोनखानाय नम्बरखौ मानख' फिननाय गैया।

4. बिथोन आरो बिदिन्थिनि सोमोन्दै

(क) सोलुनि पिननाय होनायनि सिगां आनजाद बिजाथिया सोलु बिजाबसानि गासै बिथोन आरो सोनाय बाहागोफोरखौ आरोबाव गाहामै फरायनानै लानांगौ। बिजाथिफोरा सोलु बिजाबसाखौ गावबागाव सानखाना आरज बिलाइयाव होखानाय बायदि मोनदोंना मोनाखै नायना लानांगौ। मोनाखैब्ला आनजाद जागायनायनि सिगां बिना लाफिननो नांगौ। आनजाद जोबखानायनि उनाव मोनबो खावलायनायखौ गनायना लानाय जानाय नडा।

(ख) जेबो जिरायनाय गैया जासे समा 2 घन्टा। देहायारि हेंथा गोनांफोरनो 30 मिनिट उफ्रा सम होनाय जागोन। ग) सायख'जानाय नम्बरखौ मोनथाम बाहागोनि आनजादाव मोननो नांगोन आरो बेयो गोनांथार । बेखायनो आनजाद बिजाथिया आनजाद लिरनायाव बारा सम हगारनो नाडा, बिसोर गावबा गाव लुबैनाय बादि मिलायना लानांगौ।

1. रावबो बिजाथियानो हाव बिलाइनि अनगायै आनजादाव नुजाथिनो मोननाय नडा।

2. बिजाथिया गावनि आनजादनि खथायाव फुंनि 11.00 रिंगानि सिगां जिरायनांगोन। गोबाव जाना फैनाय बिजाथिखौ आनजादाव जिरायहोनाय जानाय नडा।

3. मोनफ्रोमबो 30 मिनिटनि उनाव खेबफा बेल दामनाय जागोन।

4. रावबो बिजाथिया आनजाद जोबनायनि सिगां आनजाद खथानिफ्राय ओंखारलानो मोननाय नडा।

आनजादनि आखु


बाहागो 1- मेलेम रोंगौसार आनजाद(MAT)

बे आनजादा रावारि आनजाद नडा। सोलु जागोन सावगारि आरो हांखौ सिनि बिजोंजों सोनायफोरा बिजाथिनि मेलेम रोंगौसार संनाय बे बाहागोखौ जि (10) रोखोमाव राननाय जादों आरो मोनफ्रोमबो रोखोमाव मोनब्रै सोलु थागोन। गाहायाव होनायफोरा बेफोरनि माखासे बिदिन्थि-


बाहागो 1 -(ODD-MAN OUT)

बिथोन:


सोंथि नं से(1)निफ्राय सोंथि ब्रै(4) सिम मोनफ्रोमबो सोलुवाव 1, 2, 3 आरो 4 नम्बरनि मोनब्रै फिननाय सावगारि थागोन । बेनिनो मोनथाम सावगारिया एखे रोखोमनि आरो मोनसे सावगारिया गुबुन जागोन। जाय सावगारिया गुबुन बेनि फारियाव होनाय अनजिमाखौ फिन गाडाव सायख'नांगौ-




(1)



(2)



(3)




(4)

थार फिननाय- (1)

बाहागो 2- (सावगारि गोरोबहोनाय)

सोंथि नं 5 निफ्राय 8 सिम आगसिथिंजाय जेंना सावगारि आरो आगदार्थिं 1, 2, 3 आरो 3 फिननाय सावगारि होनाय दं। बेनिखायनो जेंना सावगारिजों बबे मोनसे फिननाय सावगारिया गोरोबनायखौ सायख'ना दिहुननांगौ। जेरै-

बिदिन्थि: 2




थार फिननाय- (3)

बाहागो - 3 (महर दाफुनाय)


बिथोन-

सोंथि नं 9 निफ्राय 12 सिम आगसिथिं जाय मोनसे बाहागो गोमानाय जेंना सावगारि थागोन आरो आगदार्थिंजाय जेंना सावगारिनि गोमानाय बाहागोनि 1, 2, 3 आरो 4 फिननाय सावगारि थागोन, बेनिनो जाय मोनसे फिननाय सावगारिया जेंना सावगारिनि गोमानाय बाहागोखौ आबुं खालामगोन बै फिननाय सावगारिनि अनजिमायानो फिननाय जागोन जेरै-


बिदिन्थि-3




(1)



(2)



(3)




(4)

थार फिननाय- (1)

बाहागो -4 (सावगारि फारि फोजोबनाय)

बिथोन- सोंथि नं 13 निफ्राय 16 सिम आगसि थिंजाय मोनथाम जेंना सावगारिफोरनि फारियै साजायनाय थागोन बेनिनो ब्रैथि जेंना सावगारिनि जायगाया लांदां थागोन। आगदार्थिंजाय फिननाय सावगारि फारिफोरनि मादाव बवे मोनसे फिननाय सावगारिया जोंना सावगारिनि ब्रैथि फारि साजायनाय जागोन बेखौ दिहुननो नांगौ। आरो बे फिननाय सावगारिनि अनजिमायानो फिननाय जागोन । जेरै-


बिदिन्थि-



थार फिननाय- (3)

बाहागो 5- (गोरोबथि गोनां एबा महरसे)

बिथोन- सोंथि नं 17 निफ्राय 20 सिम जरानै जेंना सावगारि थागोन। बेनिनो नैथि जरानि मोनसेया जेंना सावगारिनि जायगायाव सोंलु सिन (?) थागोन । सेथि जरा एबा गिबि जरासे जेना सावगारिनि गेजेराव गाव खाथि सोमोन्दो दंलायो। बेनिखायनो थामथि आरो ब्रैथि जरा जेंना सावगारिहाबो गावजों गाव सोमोन्दो थागोन । गोजौयाव मख'नाय फिननाय सोंलु सावगारिनि मादाव सोंलु सिन(?)नि जायगाखौ जाय फिननाय सावगारिया आबुं खालामनो हायो बै फिननाय सावगारिनि अनजिमायानो फिननाय-




थार फिननाय- (1)

बाहागो 6- {भुमसुआरि सावगारि आबुं खालामनाय (आखान्थिथाम, बर्ग आरो बेंखन)}

बिथोन: सोंथि नं 21 निफ्राय 24 सिम आगसिथिंजाय जायखिजाया आखन्थिथाम, बर्ग आरो बेंखनफोरनि मोनसे बाहागो जेंना सावगारियाव होनाय थागोन। आगदार्थिंजाय थानाय फिननाय सावगारि 1, 2, 3 आरो 4 निफ्राय बबे मोनसे फिननाय सावगारिया जेंना सावगारिखौ आबुं खालामो बे फिननाय सावगारिनि अनजिमायानो फिननाय जागोन। भुमसुआरि सावगारिनि आबुं सावगारिखौ नागिरना दिहुन।


बिदिन्थि-



थार फिननाय- 1

बाहागो 7- (आयनानि रिफिनाय महर नायनाय)



बिथोन: सोंथि नं 25 निफ्राय 28 सिम आगसिथिंनिफ्राय मोनसे जेंना सावगारि होनाय थागोन आरो आगदार्थिंजाय मोनब्रै फिननाय सावगारि 1, 2, 3 आरो 4 होनाय थागोन। बेफोर फिननाय सावगारिफोरनि मादाव बबे मोनसे फिननाय सावगारिया जेंना सावगारिनि थार आयनायाव रिफिनाय महर बेखौ सायखनांगौ। जेरै- आयनाया XY याव होनाय थागोन



थार फिननाय- (4)

बाहागो-8 (थनजानाय/थनजायै महर)

बिथोन- सोंथि नं 29 निफ्राय 32 सिम जेंना सावगारियाव थुख्रासे लेखा बिलाइखौ थननायनि फारि दिन्थिनाय जादों/ आगसिथिंजाय थननाय जेंना सावगारि दिन्थिदों आरो आगदार्थिंजाय मोनब्रै फिननाय सावगारि 1, 2, 3 आरो 4 होनाय थागोन। बेफोर फिननाय सावगारिफोरनि मादाव बबे मोनसे फिननाय सावगारिया थनजायै सावगारि दिन्थिदों बेखौ सायखनांगौ। जेरै-







थार फिननाय- (4)

बाहागो 9- (लांदां जायगाखौ गोसो मेगनजों नायनाय)

दिन्थि-

सोंथि नं 33 निफ्राय 36 सिम आगसिथिं जेंना सावगारि होनाय दं आरो आगदार्थिंजाय फिननाय सावगारि 1, 2, 3 आरो 4 होनाय दं । जेंना सावगारिनि बायफ्लेनाय थुख्राफोरखौ बुथुमनानै साजायोब्ला माबादि महर जानो हागौ बेखौ फिननाय सावगारिनिफ्राय सायखनांगौ। जेरै-



(1)

(2)






(3)

(4)

थार फिननाय- (4)

बाहागो 10- (अरथाबहोनाय एबा रोजोबहोनाय)

बिथोन: सोंथि नं 37 निफ्राय 40 सिम आगसिथिंजाय जेंना सावगारि होनाय दं आरो आगदार्थिंजाय 1, 2, 3 आरो 4 फिननाय सावगारि होनाय थागोन। जेंना सावगारिया फिननाय सावगारिनि बबे जेंना सावगारिया अरथाबजायो एबा रोजोबजायो बै फिननाय सावगारिनि थार फिननायखौ सायख'।



(1)

(2)

(3)

(4)

थार फिननाय-(2)

बाहागो- 2 सानखान्थि बाहागोनि आनजाद

बे आनजादनि गाहाय थांखिया जाबाय आनजाद बिजाथिनि बे बिथिडाव रोंगौसार सुनाय । गासै मोन 20 सोंलुवानो जागोन, गाहायाव होनाय मोन 15 आयदानि सायाव।

1. अनजिमा आरो अनजिमा खान्थि (Numeric System)।
2. फुरा अनजिमा सायाव मोनब्रै गाहाय मावथाय खान्थि।
3. बोखावखोन्दो (Fractional) अनजिमानि सायाव सोनारनाय मोनब्रै गाहाइ मावथाय खान्थि।
4. सानजाबगिरि आरो सानजाबमोनथाइनि घोरोम (properties) ।
5. दु.सा.सा. आरो दे. सा. सा।
6. दशमिक बाहागो आरो बेनि सायाव सोनारनाय बाहागो हाय मावथाय खान्थि।
7. बोखावखोन्दोनिफ्राय दशमिक आरो दशमिकनिफ्राय बोखाव खोन्दोसिम सोलायनाय।
8. लाउथाइ, गिलिरथाइ (Mass), हमजोबथि (Capacity), सम, रां-खाउरिआरिनि सुनाय रांखान्थिनि बाहाइनाय।
9. जानगार, सम आरो खारथाइ
10. राशिमालानि जायगा मान।
11. जेथो सिफायनानै गोरलै खालामनाय।
12. जौ खोन्दोनि हार आरो बेनि बाहायनाय।
13. मुलामफा आरो खहा।
14. गोरलै सुद।
15. सोरगिदिं सिमा, दब्लाइ बिथा आरो रोजोबथाइ।

रेबसुं- सोंलुखौ बुजिनायाव जर होनाय जागोन आरो सोंलुनि ओंथिखौ सानदांथाइ आरो रेंसारदांसाखौ बाहायनाय जागोन। आनजाद बिजाथिनि खाबुनि जुनै माबोरै सानखान्थि सोंलुवा जानो हागौ बेनि एसे बिदिन्थि होनाय जाबाय-

बिदि - 1 (बुजिनायनि थाखाय आनजाद)

1000 नि गाहाय सानजाबथाया मा ?

- | | |
|------------------------------------|---|
| 1. $10 \times 10 \times 10$ | 3. $2 \times 2 \times 2 \times 5 \times 5$ |
| 2. $2 \times 5 \times 5 \times 10$ | 4. $2 \times 2 \times 2 \times 5 \times 5 \times 5$ |

मोनसे अनजिमानि सानजाबथाइ होनब्ला बै अनजिमानि सानजाब मोनथाइखौनो बुजिनाय जायो। जुदि (क) सानजाबगिरि (सानजाबगिरिफोरनि सानजाबगिरिया मोनसेनि बारा नुजायो) फोरनि सानजाब मोनथाया सानजाबथाइजों समान जायो आरो (ख) मोनफ्रोमबो सानजाब मोनथाया सानजाबथि जायो। बेयाव 4 नं फिननायाव गोजौयाव बुंबोनाय आंखालखौ आबुं खालामनायलाय बेनो बै सोंलुनि फिननाय।

बिदिन्थि-2(बुजिनायनि थाखाय आनजाद)

बेनि मोनब्रै बेजरा अनजिमानि गरआ मा ?

- | | | | |
|-----|-----|------|-------|
| 1.5 | 2.4 | 3. 5 | 4. 16 |
|-----|-----|------|-------|

गिबि मोनब्रै बेजरा अनजिमाया जाबाय 1, 3, 5, 7 आरो बिसोरनि गरआ $1+3+5+7/4$, बे गोजौनि 2 नं फिननानो थार फिननाय ।

बिदिन्धि- 3(बाहाय बिखान्धि आनजाद)

1 कि.मि. गंसे माल गारिया मोनफ्रोमबो 3 मिनिटाव 1 कि.मि. खारथायाव खारदों। 2 कि.मि. गोलाउ मोनसे हाफलं लामा बारनो बेसे सम नांगोन ।

1. 1मिनिट 2.3मिनिट 3.6मिनिट 7.9मिनिट

हाफलडा 2 कि.मि. गोलाउ आरो रेलगारिया 1 कि. मि. गोलाउ । गंसे रेलगारिया 1 कि.मि. लामाखौ बारगनोब्ला गासै 3 कि.मि. बारनांगोन । 3 मिनिटाव 1 कि.मि. खारथायाव 3 कि. मि बारनोब्ला रेलगारिनो सम नांगोन 9 मिनिट। आरो बेनो थार फिननाय। बेबादिनो फारि नं 4 आ थार फिननाय।

बाहागो 3-(राव आनजाद)

बे आनजादनि आदाबा जाबाय बिजाथिया खोन्दो रायथाइखौ फरायनानै बुजिनाय आरो फिन होनो हारोंथाइखौ सुनाय। आनजादाव मोनबा खोन्दो रायथाइ थागोन आरो मोनफ्रोमबोनि सायाव मोनबायै सोंलु थागोन। मोनफ्रोमबो खोन्दो रायथाइखौ गाहामै फरायना सोंलुनि फिनखौ होनांगोन। गाहायाव मोनसे बिदिन्धि होनाय जाबाय-

खोन्दो रायथाइ (फरा)

हाग्रामाया जोंनो गोबां बिथिङ्गाव बानजायनाय लाबोयो। हाग्रामानिफ्रयनो जों न बां लुनो आयजें आयला बानायनो दंफां-लाइफां मोनो। हाग्रामानिफ्रायनो जों थावनि बन आरो लेखा बिलाइ मोनो । हाग्रामायानो दाउमा-दाउसानो, जिब- जुनारनो, एम्फौ- एनलाफोरनो थानो थाखाय जायगा होयो। हाग्रामायानो अखाबो हाहोयो। हाग्रामायानो जिब- बिखान्धिखौ संरैखै खालामनायाव जोबोर गोनांथार । बेनि थाखायनो जोंहा जिब बिखान्धिखौ अनसायनाया गोनोगोथो गैया जासे बयनिबो गोसोयाव मोजां मोनजानाय गायसनजादों। आबहावा रो बिनि सम्पदफोरखौ मोजां गियानि गोसोजों बाहायनाया सुबुंनि थांना थानायाव जोबोर गोनांथि।

1. जिब बिखान्धिखौ संरैखा खालामनायाव..... गोनांथार।

(क) हाग्रामा

(ख) जुनार

(ग) सुबुं

(घ) सम्पदफोर

थार फिननाय- (क)

2. संरैखानि उल्था सोदोबा.....।

(क) रैखा खालामनाय

(ख) लुफुनाय

(ग) थानो जायगा होनाय

(घ) फोजोबस्रानाय

थार फिननाय- (घ)

3. गाहायनि बवे मोनसेया गियानिनि एखे ओंथि फोरमायग्रा सोदोब नडा ?

(क) साननो गोरों

(ख) सोलोगोनां

(ग) फेस्ला

(घ) सानसुला

थार फिननाय- (ग)

4. दंफां मिस्त्रिया हाग्रामानि सायावनो सोनारो मानोना हाग्रामायाहोयो।

(क) थावनि सोलायै बन

(ख) सेखा बिलाइ बानायनो बिफां होयो

(ग) आइजें आयला बानायनो दंफां लाइफां होयो

(घ) जवनारफोरनो न बां होयो

थार फिननाय-(ग)

5. हाग्रानि जुनारफोरा न बां गैयै जागोन जेब्ला।

(क) लेखा बिलाइ बानायग्रा दारिमिनखौ फोजोबगोन

(ख) न बांफोरखौ लुगोन

(ग) हाग्राखौ फोजोबसांगोन

(घ) जिव बिखान्थिखौ जोथोन लागोन

थार फिननाय- (ग)

अनलाइन आरजलाइ गथायनायाव अपलड खालामनायाव माखासे मिथिनो गोनां दिन्थि लामाफोर

जवाहर नवोदय फरायसालिनि थाखो दयाव मुं थिसननो अनलाइन आरजलाइ गथायनाया गावनि सायावनो सोनारगोन। अदेबानि, गाहायाव होनाय दिन्थि लामाफोरखौ बिजाथिनि दिथागिरिफोरा जर'खायै गोसोयाव लानो गोनांथार।

1. अननानै फसंथानलाइ(**Prospectus**)खौ जोथोनै फराया जेब्ला आरजलाइखौ आबुं खालामगोन बिजाथिनि गासैबो बिथिंफोरखौ बिनाय बादियै आबुं खालामना होनांगोन। जेरै - जोनोम खालारा 01.05.2006 निफ्राय 30.04.2010 गेजेराव जानांगोन आरो थाखो थाम(III), त्रै(IV), बा(V) याव फरायनाय फरायसालिया सरखारि/सरखारजों सरजावजानाय/गनायजानाय/मिरु उदां फसंथान फरायसालि (NIOS) ।

2. गावनो गनायथि होनाय फोरमान बिलाइखौ जोथोनै आबुं खालामना बिनाय बादियै अपलड खालामनांगोन जेरै **Gen, ST, SC, OBC** आरो देहायारि हेंथा गोनां । जेब्ला मुं थिसननाय जागोन, बै समाव बिजाथिया **ST, SC** याव सायखजादोंब्ला नाथाय बे बिजाथिया **ST, SC** नडाब्ला बे बिजाथिनि सायखथिखौ दानख'नाय जागोन।

3. गावनि जोनोम खालारनि अक्टखौ अनजिमाजों आरो सोदोबजोंबो लिरनांगोन । फरायसानि रेबखान्थि बादियैनो गावनि जोनोम खालारखौ लिरनांगोन । जुदि बिजाथिनि जोनोम खालारा उनाव फरायसालिनि रेबखान्थिजों गोरुबाब्ला बे बिजाथिखौ नेवसिगारनाय जागोन। गावनि देहानि जुगामि सिनायथि महरखौ आरज बिलाइयाव बिजाथिया रोखा रोखायै लिरना होनांगोन।

4. जवाहर नवोदया फरायसालिनि सायख' आनजादनि आरजलाइ गथायनायाव बिजाथि आरो दिथागिरिया गावबा गावनि मुसुलेखाखौ होनांगोन।

5. अनलाइन आरजलाइ गनायनायनि जोबथा खालारा 30.11.2018 सिम जागोन आरो आनजादखौ 06.04.2019 याव खुंफुनाय जागोन ।

सामोल: आरजलाइयाव बिखानाय कलुमफोरा लांदां जाना थायोब्ला एबा थालाडोब्ला आरजलाया गावनोगाव नेवसिजागोन। बिजाथिफोरखौ मिथिहोनाय जायोदि बिसोरो गाव गावनि सोलोंथाइ, बैसो आरो गावनि खथा (**ST, SC**, देहायारि हेंथा गोनां), ओनसोल(नोगोरारि/गामियारि)फोरखौ बिखानाय नांगौफोरखौ जोथोनै आबुं खालामना होनांगोन। जुदि होखानाय खाखिफोरा नंगुबै खाखिफोरजों उनाव मुं थिसननाय समाव गोरुबाब्ला/नंखाय नुजाथियोब्ला बे बिनायसाया सायख'जाखानायब्लाबो नवोदया फरायसालिनि समितिनि थांखि बादियै नेवसिगारनाय जागोन। जेबो खावलायनायानो बे समाव गनायजाथाव जानाय नडा। जुदि सासे बिजाथिया नंखाय फोरमान बिलाइ दिनथिना मुं थिसनजानानै उनाव नायबिजिदफिनजाना हमजायोब्ला बे बिजाथिया नेवसिजागोनबो आरो बे बिजाथिया जाय फरायसालियाव जेसेबां गोबाव जानाय लोनायनि खरसा जादों बेखौबो इयुनाव होफिनजोबनांगोन।

थागा खुलिनि फोरमान बिलाइ

जाय फरायसाफोरा मिरु उदां फसंथाननि गेजेरजों मुं थिसनजानो हांखायबिलाइ गथायगोन, बे बिजाथिनि थाखाय.

(दिथागिरिया गावनि रोंगौसार गोनां गथ'सानि जे. एन. भि.याव मुं थिसननाय समाव सिथाबना होनांगोन)

जवाहर नवोदय फरायसालिनि बादिथै _____

जिला _____ हादरसा _____ लाइजाम नं. _____ खालार
_____ आनि फिसाज्ला/फिसाजो _____ जवाहर नवोदया फरायसालिनि
थाखो दयाव हाबनाय आनजादनि गेजेरजों मुं थिसनजानो थाखाय उत्रिसारबाय _____ जिला
_____ हादरसा/हादोबसा _____ बोसोर _____।

आं गाहायनि थडाव _____ निफ्राय थागासिनो दं.

* जाय जायगायाव आं थागासिनो दं बे जायगाया जिलानि गामियारि/नोगोरारि ओनसोलाव गोर्लैयो

गामि _____

नोगोर _____

जिला _____

हादरसा _____

पिन नं _____

गोजौयाव आंजों होफाजानाय फोरमान बिलाया सैथो आरो नंखाय जायोब्ला नेवसिजाथों।

दिथागिरिनि मुसुलेखा

आबुं मुं

थं

जायगा _____

खालार _____

फोरमान बिलाइ

(जिला बेंगिरिजों आबुं खालामजागोन आरो जवाहर नवोदया सायख' आनजादनि गेजेरजों थाखो द' (VI) याव मुं थिसनजानो सायखजानाय गथसानि दिथागिरिया उन्दै बिखाव मिजिट्टेट (SDM)/ तेहसिलदारनिफ्राय मुसुलेखा लाबोनाय जानांगोन)

फोरमान होनाय जायोदि गोजौयाव सोथावना मिथिहोनाय मुन्नि/मुन्निमा _____ बिफा/बिमानि
मुन्नि/थरायना _____ बिजाथिया JNV नि थाखो द आव मुं थिसनजानो
सायखजाबाय _____ जिला _____ रेबखान्थिखौ नायफिदनाय जाबाय आरो
सैथोथिखौबो मोनबाय.

* जाय जायगायाव थागासिनो दं बे जायगाया जिलानि गामियारि/नोगोरारि ओनसोलाव गोर्लैयो _____ (जिला)

मुसुलेखा

उन्दै बिखाव मिजिट्टेट/ तेहसिलदार

जवाहर नवोदय फरायसालिनि सायख' आनजाद - 2019
फोरमान बिलाइ

अनलाइन आरजलाइ गथायनायनि जोबथा खालारा 30 न'वेम्बर 2018

फोरमान होनाय जायोदि गाहायाव होनाय फरायसा _____ (फरायसानि मुं) जाय थाखो बा (V) याव फरायगासिनो दं _____ (फरायसालिनि मुं) आरो बियो 2019 मायथाइनि जवाहर नवोदय फरायसालिनि सायख' आनजादाव आरजलाइ गथायनो गोसो गुदुं जाना दं ।

बिजाथिनि
पाष्टफर्ट महरनि
फट'

बिजाथिनि मुं (गेदेर हांखोजों)			
बिफानि मुं (गेदेर हांखोजों)			
बिमनि मुं (गेदेर हांखोजों)			
दिथागिरिनि मुं आरो सोमोन्दो, दंब्लासो.			
जोनोम खालार	अनजिमा D D M M Y Y Y Y	सोदोबाव	
आथोन अननानै (✓) सिन हो	हौवासा	हिनजावसा	थामथि आथोन
			थाखो Gen. SC ST OBC
अंगहानिनि आखु, दंब्लासो. अननानै गावनि थाखोयाव (✓) सिन हो		देहायानि हेंथा	मोजाडै नुयै मोजाडै खोनायै
सिनायथि महर			
आथिखाल थं	जानबुं नं. Email.....		
हादरारि	धोरुम		
आनजादनि बिजों			
(अननानै फसंथानलाइ (prospectus) याव मखनाय रावफोरनि गेजेराव मोनसे रावखौल सायख'ना ला			

खाखि (particular)	थाखो- थाम (iii)	थाखो- ब्रै (iv)	थाखो- बा (v)
फरायसालिनि मुं (थाखो थाम (iii), ब्रै (iv) आरो बा (v) आव फरायनायनि) आरो गामि / जायगा			
फरायसालिनि ओनसौल : गामियारि / नोगोरारि			
हाबनायनि दान आरो बोसोर			
उथिनायनि दान आरो बोसोर			
दखरानि मुं (block)			
जिलानि मुं			

हादरसानि मु०			
--------------	--	--	--

आं मिथिनो मोनबायदि जुदि बिजाथिया सानसेब्लाबो थाखो (III), त्रै(IV) & बा(V) याव नोगोरारि ओनसोलाव फरायदोंब्ला, बे फरायसाखौ नोगोरारि बिजाथि होनना हमना लानाय जागोन। जुदि बिजाथिनि फोरमान बिलाया नंखाय नुजाथियोब्ला बे बिजाथिखौ जवाहर नवोदय फरायसालियाव फरायबाय थानाय जायखिजाया समावनो होखंरहरनाय जागोन।

बिजाथिनि मुसुलेखा	दिथागिरिनि मुसुलेखा

रेबसुं: मिरु उदां फसंथान फरायसालि (NIOS) नि फरायसाब्ला बिनि थाग्रा खुलि फोरमान बिलाइनि सायाव सोनारना थिरांथा लानाय जागोन।

गोजौयाव मखनाय खारिफोरखौ फरायसालिनि रेबसुंथि बादियै नायफिदनाय जाबाय आरो थारथिखौ मोनबाय।

गाहाय फोरोंगिरिनि मुसुलेखा आरो महर (सिल)

फिननाय गां

आनजाद बिलाइ

गाहाय बिथोनफोर, बिजाथि/नायगगिरिफोरनि जुनै

निला आरो गोसोम गाबनि खोलोमखौल बाहायनांगौ

1. गोसोम आरो निला गाबनि खोलोमखौल फिननाय गाबाव बाहायनांगौ। पेनसिलखौ बाहायनो मोननाय नडा।
2. बाहागो 2 नि फिननाय बिलायाव लिरनो जुनै इंराजि अनजिमाखौल बाहाय।
3. बिजाथिया सांग्राडै नायनो नांगौदि बाहागो 2 थिं थानाय बिलाया Test Booklet Series and Test Booklet नाम्बारा प्रिन्ट खालामनाया Test Booklet जों एखे जायो । बेनि उल्था जायोब्ला बिजाथिया थाबैनो Test Booklet आरो Answer Sheet खौ सोलायनायनि थाखाय इनभेजिलेटरनो बे खौरांखौ होनो नांगौ।
4. खेबसे लिरखांनायनि उनाव सोलायफिननाय खाबु गैया।
5. नोंनि फिनखौ इंराजि अनजिमायाव लिर (जेरै- 1, 2, 3, 4) सोंथि होनायनि उन फारसेयाव । बिदिन्थि बादियै नोंनि 37 सोंलुनि फिना 3 जायोब्ला ओरैबादि लिर-
37 3
6. फिननाय बिलायाव गुफुर खोमोरग्रा बाहायनो नाडा।
7. फिननाय बिलायाव लिरब्रेनाय, दानब्रेनाय आरो हुखोमारनाय थानो नाडा, फिननाय बिलाइखौ लेश्रा दागो खालामनो नाडा।
8. फिननाय बिलायाव सासाज्रां बाहायनो मोननाय नडा लिरला बायनो जुनै 16 बिलाइखौ बाहाय।